

ԴԱՍ 1

ԵՂԻՇԵ ՉԱՐԵՆՑ – 6 ժամ

ԹԵՄԱՆ 1. Կենսագրական տեղեկություններ, ստեղծագործության ընդհանուր պատկերը: (1 ժամ):

ՏԵՎՈՂՈՒԹՅՈՒՆԸ՝ 45 րոպե

ԴԱՍԻ ՆՊԱՏԱԿՆԵՐԸ՝

ԻՄԱՆԱ՝

- Ե. Չարենցի կենսագրության հիմնական դրվագները,
- ստեղծագործության ընդհանուր բնութագիրը,
- Ե. Չարենցի հիմնական գրքերի վերնագրերը և բանաստեղծական շարքերը,
- ինչի՞ համար է կարդում, ի՞նչն է կարևոր բնագրում նրա համար:

ԿԱՐՈՂԱՆԱ՝

- ներկայացնել Չարենցի կենսագրության հիմնական դրվագները,
- գուգահեռներ անցկացնել Չարենցի հայրենի ֆաղափ թողած ազդեցության և նրա ստեղծագործության հետ,

ՈՒՍՈՒՄՆԱԿԱՆ ՄԵԹՈԴՆԵՐԸ: «Նախնական կազմակերպիչ», «Բազմանիստ», «Փոխներգործուն գրառումների համակարգ արդյունավետ կարդալու և մտածելու համար» (ՓԳՀԱԿՄՀ), «5-րոպեանոց շարադրանք»:

ՈւՍՈՒՄՆԱԿԱՆ ՆՅՈՒԹԵՐԸ: դասագիրք, ֆարսեր, գծապատկերներ, նշագրիչներ, թուղթ:

ԴԱՍԻ ԸՆԹԱՑՔԸ


Ստուգում են տնային առաջադրանքները և անցում կատարում նոր նյութի ուսուցմանը:

«Նախնական կազմակերպիչ» մեթոդը շատ արդյունավետ է խթանման փուլում սովորողների հետաքրքրությունը շարժելու համար: Մեթոդի էությունը հետևյալն է. սովորողների ուժադրությունը կենտրոնացնելու և հետաքրքրություն առաջացնելու նպատակով ուսուցիչը նախապես ընտրում է թեմայի հետ խիստ կապված և հեղինակի կյանքին նվիրված ու հետաքրքրաշարժ մի փաստ կամ դրվագ և ընթերցում,

կամ նկարների (կամ տեսաֆիլմի) դիտում է կազմակերպում, որից հետո անցկացնում է փոփոխիկ
 ֆննարկում: Կամ էլ, օրինակ՝ գրատախտակին գրում ենք հարցեր թեմայի վերաբերյալ՝ ներառելով նաև
 նախորդ դասարաններում անցած ստեղծագործություններից: Հարց ենք ուղղում դասարանին. ո՞ր հարցերը
 չեն վերաբերում ֆննարկվող թեմային և ինչո՞ւ, ո՞րն է տարբերությունը: Երեխաները կատաախտակեն, որ
 դրանք տարբեր հեղինակների են վերաբերում, ստեղծագործությունները կառանձնացնեն ըստ
 հեղինակների:

Սովորողներին ակտիվացնելու և կենտրոնանացնելու նպատակով «Չարենց» բառով կատարում ենք
 «Բազմանիստ» վարժությունը:

«Բազմանիստ»-ը կարող է ունենալ հետևյալ տեսքը.



Վարժության ավարտից հետո սովորողներին առաջարկվում է բազմանիստի սկզբնաբառով և
 վերջնաբառով (Չարենց, բանաստեղծ) կազմել մեկ նախադասություն՝ այդ նպատակով նրանց
 տրամադրելով 1,5 րոպե ժամանակ: Աշակերտներից մի քանիսը կներկայացնեն իրենց կազմած

նախադասությունները: Շատ արդյունավետ կլինի, եթե դասի վերջում ուսուցիչը նորից անդրադառնա «Բազմանիստ»-ին:

Նախապատրաստելով առակերտների մուտքը նոր նյութի մատուցմանը՝ ուսուցիչը սահուն կերպով անցնում է դասի հաջորդ փուլին:

Դասի այս փուլում սովորողները ինֆնուրայն ուսումնասիրում են «Չարենցի կենսագրությունը, ստեղծագործության ընդհանուր պատկերը» ուսումնական նյութը՝ նոր տեղեկությունների և փաստերի ուսումնասիրության միջոցով: Դասի խթանման փուլում սովորողներին նոր նյութի վերաբերյալ ընդհանուր տեղեկություններ արդեն հաղորդել ենք, իսկ այժմ դասագրքի համապատասխան նյութը հանձնարարում ենք ինֆնուրայն կարգով:

Այս փուլում ուսուցումը կարելի է կազմակերպել «Փոխներգործուն գրառումների համակարգ արդյունավետ կարգալու և մտածելու համար» (ՓԳՀԱԿՄՀ) մեթոդի կիրառմամբ: Սա իմաստի ընկալման փուլի արդյունավետ մեթոդ է, որն օգնում է առակերտին տեխսը կարգալու ընթացքում վերահսկել սեփական ընկալումը: Այս մեթոդի էությունն այն է, որ կարգալիս տեսրում կամ գրքի վրա մատիտով արվում է փոխգործուն գրառումներ՝ հետևյալ նշաններով.

V – գիտեմ

- - իմ իմացածին հակասում է

⊕ – նոր տեղեկություն է

? – անհասկանալի է, շփոթեցնող

! – հետքբիբ է, կարելի է քննարկել

Սովորողներին հանձնարարում ենք անհատապես ընթերցել դասանյութը: Կարգալու ընթացքում հարկավոր է գրքի լուսանցքում մատիտով տեղադրել այդ նշանները՝ ըստ իրենց իմացության և պատկերացման: Կարիք չկա՝ բոլոր տողերում նշաններ անելու: Ընդհանուր առմամբ՝ այս գրառումները արտացոլում են տեխսի հետ սովորողի հարաբերությունները: Կարգալու ընթացքում արված նշանները ծառայում են որպես հարմար տեղեկատու՝ հաստատված կամ հերքված պատկերացումներն ի հայտ բերելու համար: Ընթերցումից ստացված տեղեկությունը դասակարգելու համար առակերտները կազմում են կատարած նշանների իրենց անհատական աղյուսակը՝ հետևյալ ձևով՝

V	-	+	?	!

Դասի յուրացումն ավարտելուց հետո, եթե կան «անհասկանալի է, շփոթեցնող, կամ հետաքրքիր է, կարելի է ֆննարկել» նշումները, ապա պետք է պարզաբանվեն այդ հարցերը՝ ելնելով նյութից, ու ֆննարկվեն՝ թեմայի ընկալումը լիարժեք դարձնելու նպատակով:

Կենսագրական և ակնարկային թեմաների ուսուցման ժամանակ սա հիանալի մեթոդ է: Սովորողները այնքան են խորամուխ լինում տեխստի մեջ, որ հենց դասարանում սովորում են նոր նյութը:

Քննարկման և մտքերի փոխանակման արդյունքում ուսուցիչը լրացնում է բացթողումները՝ ամբողջացնելով թեման:

Թեմայի յուրացումից հետո հանձնարարվում է գրել «5-րդասերից շարադրանք»՝ «Չարենցն իմ մտապատկերում» թեմայով՝ ելնելով նոր սովորած դասանյութից:

Աշխատանքներն ավարտելուց հետո սովորողները կարդում են իրենց շարադրանքները՝ մեկ անգամ ևս ամրապնդելով սովորածը: Վերջում ուսուցիչը ամփոփում է թեման՝ լրացուցիչ տեղեկություններ հաղորդելով Չարենցի կյանքի մասին:

Պետք է ներկայացնենք, որ Չարենցի կենսագրությունն արտակարգ հարուստ է և հետաքրքրական: Որպես մարդ ու բանաստեղծ՝ նա պետք է ներկայացվի կյանքի վառ, ցայտուն դրվագներով: Պետք է բացատրվի Սողոմոնյան-Չարենց ազգանվան փոփոխությունը, Կարսում ծնված լինելով, բայց ծնողների ծննդավայրը նկատի ունենալով՝ իրեն մակվեցի համարելու հարցը: Չարենցի մասնակցությունը կամավորական զինվորագրմանը: Նրա հայրենասիրությունը, Չարենցի հրատարակած գրքերը: Չարենցը պետք է ներկայացվի որպես նորագույն շրջանի հայ գրականության հիմնադիր՝ ուշադրության կենտրոնում պահելով թե՛ «Ներքի» դեկլարացիան, թե՛ «Նոյեմբեր» միությունը և թե՛ 1920-1930-ական թթ. նրա գործունեության հիմնական էջերը:

Աճակերաները պետք է հստակ պատկերացնեն, որ 1937 թվականի ողբերգությունը՝ մտավորականության ջարդով, մի նոր 1915 թվականի ապրիլի 24 էր: Այդ գոհերի մեջ էր նաև Չարենցը, ով ամենաանմխիթար պայմաններում, անգամ, իրեն պահեց հերոսաբար, ասպետի պես:

Աճակերաներին շատ կհետաքրքրեն նրա ընտանիքի և ձեռագրերի հետագա ֆակտագրի հարցերը: Այդ կապակցությամբ նյութեր կարելի է փողել Ե. Չարենցի կյանքի և ստեղծագործության մասին վերջին տարիներին լույս տեսած գրքերից և մամուլի հրատարակումներից:

Ե. Չարենցի կյանքը հետաքրքրական ներկայացնելու համար կարելի է օգտվել նրա մասին տպագրված հիշողությունների գրքերից. «Հիշողություններ Ե. Չարենցի մասին» (Ե., 1961), «Հուշեր Եղիշե Չարենցի մասին» (Ե., 1986), «Չարենցի հետ: Հուշեր» (մասն առաջին, Ե., 1997, մասն երկրորդ, Ե., 2008): Դասագրքում գետեղված են նաև Չարենցի մասին Գուրգեն Մահարու հուշերից հատվածները:

Կարելի է սովորողներին հանձնարարել կատարելու հետևյալ գործնական աշխատանքը: Չարենցի կյանքը լավ ուսումնասիրելու համար կարելի է ամբողջ դասարանով կազմել նրա կյանքի ու գործունեության համառոտ տարեգրությունը: Այդ նպատակով դասարանը կարելի է բաժանել չորս խմբի և հանձնարարել, որ խմբերից առաջինը գրադվի 1897–1907 թթ. դեպքերի արձանագրումով, երկրորդը՝ 1908–1917 թթ., երրորդը՝ 1918–1927 թթ., չորրորդը՝ 1928–1937 թթ.: Աշխատանքների կատարման ժամանակը լրանալուց հետո այդ ամենը վերջում պետք է միավորել և դասարանում ունենալ աճակերանների ձեռքով կազմված Չարենցի կյանքի և ստեղծագործության տարեգրությունը, ինչը նրանց մեծապես կօգնի յուրացնելու նյութը: Այսպիսով՝ Չարենցի կյանքը նրա ստեղծագործության հիմքն է:

Աճակերանին Չարենցի կյանքի և հարուստ ժառանգության մասին պատկերացում տալուց հետո պետք է հաջորդ դասին անցնել նոր դասավանդվող նյութին՝ «Հայրենիքում» բանաստեղծությանը:

Կատարվում է անդրադարձ:

Մինչ բանաստեղծությանն անցնելը, գրատախտակին գրում ենք Չարենցին բնութագրող շրջառություններ և մեկնաբանում. Մեծ Կարսեցի, հայկական Բուալո, Հարդագողի ֆամիլիայ:

ԴԱՍ 2

ԹԵՄԱՆ 2. Եղիշե Չարենցի «Հայրենիքում» բանաստեղծությունը

ՏԵՎՈՂՈՒԹՅՈՒՆԸ՝ 45 րոպե

ԴԱՍԻ ՆՊԱՏԱԿՆԵՐԸ՝

իմանա՝

- ստեղծագործության ընդհանուր բնութագիրը,
- Ե. Չարենցի հիմնական գրքերի վերնագրերը և բանաստեղծական շարքերը,

կարողանա՝

- ընկալի տեքստի բովանդակությունը, բնագրում նկարագրված հայրենիքի հանդեպ սեր ունենա, նանաչի հայրենի բնությունը,
- մարդկային ապրումի և հույզի, գեղեցիկի և անյալի վերհուշի մասին վերաբերմունք արտահայտի,
- ունեցած գիտելիքները և փորձը կապի ընթերցանության տեքստի հետ,
- գիտակցի իր ազգային պատկանելության, հայրենի երկրի և մայրենի լեզվի կարևորության մասին,
- պատմելիս օգտագործի հեղինակային բառապաշարը,
- անվանի տեքստի գեղագիտական արժեքավոր տեղերը,
- գնահատի հեղինակի վարձագիծը և արտահայտել իր վերաբերմունքը,
- գնահատի բնագրի բառապաշարը և հարստացնի սեփական բառապաշարը,
- գտնի ֆարսեզում Ղարսը և կապի հեղինակի կենսագրության ու ստեղծագործության հետ:

ՈՒՍՈՒՄՆԱԿԱՆ ՄԵԹՈՂՆԵՐԸ: «Նախնական կազմակերպիչ», «5-րդ պատանոց շարադրանք», «Երեք բանալի, մեկ կողպեք», «Ամփոփիչ հարցեր»:

ՈւՍՈՒՄՆԱԿԱՆ ՆՅՈՒԹԵՐԸ՝ դասագիրք, ֆարսեր, ֆարսեզ, նշագրիչ, **A 1** չափսի թուղթ:

ԴԱՍԻ ԿԱՌՈՒՑՎԱԾՔԸ: Նոր նյութի յուրացման դաս:

ԴԱՍԻ ԸՆԹԱՑՔԸ

Ստուգվում են տնային առաջադրանքները՝ պարզաբանելու տնային առաջադրանքի յուրացման աստիճանը, որոշելու ստացած գիտելիքների ընդհանուր թերությունները և դրանց պատճառները, հնարավորինս վերացնելու բացահայտված թերությունները, և անցում ենք կատարում նոր նյութի ուսուցմանը:

Այս փուլում կիրառում ենք «Նախնական կազմակերպիչ» մեթոդական հնար: Այս մեթոդը շատ արդյունավետ է խթանման փուլում սովորողների հետաքրքրությունը շարժելու համար: Մեթոդի էությունը հետևյալն է.

սովորողների ուշադրությունը կենտրոնացնելու և հետաքրքրություն առաջացնելու նպատակով ուսուցիչը նախապես դուրս է գրում թեմայի հետ առնչվող մի քանի բառ կամ հասկացություն, ապա գրատախտակին կամ ցուցապաստառին նախապես գրում է «Հայրենիքում» բանաստեղծության հետ առնչվող մի քանի բառ (ձյունապատ լեռներ, կապույտ լճեր, երկինքներ՝ որպես երազներ հոգու, երկինքներ՝ նման մանկական ասֆերի, լճի մեղմ ծփանք, որ նման է մրմունջի, կարոտի իրիկնամուտ, աստղային մուր) և առաջարկում սովորողներին մտածել, թե ինչ է կատարվելու այդ բառերի շրջանակում կամ ինչպես են իրար հետ կապվել այդ բառերը և դարձել բանաստեղծություն և սովորողներին կարելի է հանձնարարել ներկայացնել փոքրիկ շարադրանք (5-րդ դասարանի)՝ նշելով բառերով և բառակապակցություններով: Աշխատանքի համար սահմանված ժամանակը լրանալուց հետո մի քանի սովորող կարող են իրենց շարադրանքները, կարող ենք նաև գնահատում կատարել և անցնել նոր նյութի ուսուցմանը:

Այնուհետև հանձնարարվում է քարտեզի վրա գտնել Չարենցի հայրենի քաղաքը՝ Կարսը, հանձնարարել, որ լրացուցիչ տեղեկություններ հավաքեն ժամանակաշրջանի և Չարենցի կյանքի մասին:


Ուսուցիչը կամ աշակերտներից մեկը արտահայտիչ կարգում է Ե. Չարենցի «Հայրենիքում» բանաստեղծությունը: Հարց ենք ուղղում դասարանին, օրինակ՝ ի՞նչ գույնի է բանաստեղծությունը, ինչն է կապակցում կարծում՝ ապահովելով պատճառահետևանքային կապ և այլն:

Դասի այս փուլում դասարանը բաժանում ենք խմբերի և կիրառում «Երեք բանալի և մեկ կողպեք» մեթոդը: Աշխատանքը կարելի է կատարել

գույզերով կամ խմբով: Այս մեթոդը կարելի է կիրառել այնպիսի դասերի իմաստի ընկալման փուլում, որոնք և՛ բավականին ծավալուն են, և՛ կարճառոտ են ու նույն նյութին կամ երևույթին վերաբերող մի շարք բնորոշ հատկանիշներ ունեն: Այս մեթոդով աշխատելիս աշակերտների մեջ ձևավորվում է ընտրություն կատարելու, գլխավորը երկրորդականից տարբերելու հմտություն, ինչպես նաև համագործակցելու, իր ընտրությունը հիմնավորելու կարողություն: Քանի որ բանաստեղծությունը բաղկացած է 3 տնից, հետևաբար աշխատանքը նպատակահարմար է կատարել գույզերով: Յուրաքանչյուր գույզի հանձնարարում ենք կարգալ բանաստեղծությունը, ապա հանձնարարում ենք քառատողերից դուրս գրել մեկական հենակետային, բանալի բառ, բառակապակցություն կամ նախադասություն և գետեղել բանալիների նկարի տակը կամ վրան: Պատկերը կլինի մտավորապես այսպես՝

«Հայրենիքում»


Ակար 1



Ակար 2



Ակար 3



Ակար 4

Բանալի բառերը ընտրելուց ու բանալիների վրա հենակետային բառերը տեղադրելուց հետո ուսուցիչը հանձնարարում է կազմել կողպեժը: Երեխաները նկարում են կողպեժը, և յուրաքանչյուր խումբ, ըստ իր դուրս գրած բանալի բառերի և ըստ իր ընկալման, ձևակերպում է գրվածքի գաղափարը՝ բանաստեղծության արտահայտած իմաստը:

Աժխտանքներն ավարտելուց հետո գույգերը ներկայացնում են իրենց գրածները, ապա կատարվում է փնտրվում ու մտքերի փոխանակում:

Խմբերից մեկն էլ ներկայացնում է, որ այս բանաստեղծությունը գետեղված է Չարենցի «Տեսիլաժամեր» (1915) շարքում («Տեսիլաժամեր», այսինքն՝ տեսիլքի ժամեր, տեսիլքներ տեսնելու ժամեր):

Ապա տեղեկացնում է՝ որ թեմատիկայով, նպատակադրումով, բնույթով, գրական սեռով, բովանդակությամբ կամ այլ հատկանիշներով իրար հետ կապված բանաստեղծությունների որոշակի փոխանակություն, ամբողջություն և այլ հատկանիշներով իրար հետ միակցված տպագիր ամբողջությունը կոչվում է բանաստեղծական շարք:

Երեխաները մեկնաբանում են, որ հեղինակի երևակայության մեջ հայտնվում է հայրենի երկիրը՝ ձյունապատ լեռներով, կապույտ լճերով, մանկական անմեղ աչքերի նման մաքուր երկնքով, մրմունջի նմանվող լիճը՝ իր մեղմ ծփանքով:

Զույգերից մյուսն էլ ավելացնում է, որ այդ անադարտ բնության մեջ, սակայն, բանաստեղծը մենակ է հայրենի բնաշխարհում, բայց նրա հետ է սիրած աղջկա տեսիլքը, և կարգում է համապատասխան տողը:

Հաջորդ գույքը պարզաբանում է, որ այդ տեսիլքը, անուշտ, այստեղ բանաստեղծի սիրած աղջկա կերպարով է ներկայանում: Այդ վառ տեսիլքն է, որ հեղինակի մեջ արթնացնում է հին սուրբ անուրջի՝ հայրենի անապական բնության ու եզերքների անհուն կարոտը, որ, թվում է, թե աստղային է ու հավերժական:

Սովորողներից մեկն էլ եզրափակում է խոսքը՝ ասելով, թե բանաստեղծության ֆնարական հերոսը կարոտած ու թախիծով ձյունոտ լեռներում կանչում է սիրած աղջկան: Սակայն իջնում է գիշերը, որը նրա հոգուն բերում է «կարտի իրիկնամուտ»՝ խառնելով բանաստեղծի հոգին աստղային մութի հետ:

Մենք սովորեցնում ենք սովորել երեխներին, ինֆորմուլյոնաբար եզրահանգումներ կատարել, ստեղծարարական կարողություններ ձեռք բերել, նպաստել նրանց հաղորդակցական հմտությունների զարգացմանը:

Ապա ուսուցիչն ամփոփում է թեման՝ լրացուցիչ տեղեկություններ տալով:

Եթե դասի իմաստի ընկալման փուլում աշակերտները պետք է հետազոտեն նյութի բովանդակությունը և յուրացնեն թեման, ապա այս փուլում պետք է իմանան, թե ինչպես կարելի է կիրառել դասի ընթացքում ստացած գիտելիքը գործնականորեն:

Այս գործընթացը արդյունավետ կազմակերպելու նպատակով ուսուցիչը դասարանը բաժանում է 5 խմբի և յուրաքանչյուր խմբի տալիս է հետևյալ բովանդակության առաջադրանքներ՝ կապված բնագրի հետ:

1. Ո՞րն է կոչվում բանաստեղծական շարք և ո՞ր շարքում է գետեղված «Հայրենիքում» բանաստեղծությունը:

2. Ի՞նչ պատկերներով է Ջարենցը ներկայացնում հայրենի երկիրը:

3. Հայրենի բնաշխարհում ո՞վ արթնացավ նրա տեսիլքի մեջ:

4. Ինչպիսի՞նք նուրբ ակնարկներով է հիշում սիրած աղջկա գոյությունը:

5. Ինչպե՞ս է ավարտվում բանաստեղծությունը: Դուք ինչպե՞ս կավարտեիք այն:

Տրվում է 10 րոպե ժամանակ աշխատանքը կատարելու համար: Երբ առաջադրանքների կատարումը ավարտում են, ուսուցիչը նրանց կարդալ է տալիս իրենց գրածները, որից հետո կազմակերպում է մտքերի փոխանակում:

Ապա հանձնարարվում է անհատական աշխատանք՝ հետևյալ առաջադրանքներով.

1. Բանաստեղծությունից դուրս գրեք 8 ածական, 12 գոյական:

Օրինակ՝ գոյական-լին, ...

Ածական-կապույտ, ...

2. Ինչի՞ մասին է բանաստեղծությունը, ո՞ր տրամադրությունն է գերակշռում: Պատասխանի՞ր հիմնավորիչ:

Ինչպես դասի սկզբից, այնպես էլ հիմա, կատարվում է գնահատում՝ միավորային, իսկ խմբային աշխատանքը կարելի կատարել նաև փոխադարձ գնահատումով՝ պատճառաբանելով:

Հանձնարարվում է տնային աշխատանք՝ հանգամանորեն բացատրելով:



1. Բնության այս պատկերը կապի՞ր թեմայի հետ և գրի՞ր շարադրություն՝ վերնագրելով:
2. Բանաստեղծությունը սովորի՞ր անգիր, ձայնագրիչ, տեղադրիչ դասարանի կամ ֆո բլոգում:

Դասի ամենակարևոր փուլերը անդրադարձն է, որ գրեթե չի կատարվում: Անդրադարձը հնարավորություն է տալիս ուսուցչին պարզելու ուսումնական գործընթացում յուրաքանչյուր սովորողի, խմբի ձեռքբերումները և բացթողումները, դժվարություններն ու խոչընդոտները և իրավիճակի վերլուծությունից հետո մշակելու գործողություններ՝ առաջացած այդ թերությունները, բացթողումները հաջորդ դասին շտկելու նպատակով:

Այնուհետև առաջարկվում է պատասխանել այն հարցերին, որոնք գրվում են գրատախտակին, այդ թվում՝ էլեկտրոնային կամ ֆարսերի վրա. «Ո՞ր հարցն է եղել ամենաբարդը: Այդ հարցի մասին գրելիս ի՞նչ զգացումներ ես ունեցել: Արդյո՞ք դու բացահայտեցի՞ր մի տեսակետ, որը քեզ համար անակնկալ դարձավ: Ի՞նչն էս լավ հասկացել: Ի՞նչն էս վատ հասկացել»:

Եթե ժամանակ մնում է, ապա կարելի է լսել այս հարցերի պատասխանները, իսկ եթե ոչ, ապա հաջորդ դասին կեննարկվի:

ԴԱՍ 3-4

ԹԵՄԱՆ՝ Ե. Չարենցի «Տաղարան» շարքի ընդհանուր բնութագիրը, բանաստեղծական շարք. «Ես իմ անուշ Հայաստանի» բանաստեղծությունը (2 ժամ):

ՏԵՎՈՂՈՒԹՅՈՒՆԸ՝ 90 րոպե

ԴԱՍԻ ՆՊԱՏԱԿՆԵՐԸ՝

Իմանա՝

- բանաստեղծության բովանդակությունը և գաղափարը
- գաղափար կազմի բանաստեղծական շարքի մասին
- անվանի Ե. Չարենցի բանաստեղծական շարքերի և հիմնական գրքերի վերնագրերը:

Կարողանա՝

- ընկալի և ներկայացնի «Տաղարան» շարքում ընդգրկված ստեղծագործությունների ընդհանուր բնութագիրը,
- ընթերցի բանաստեղծությունը առոգանությամբ (ինքնուրույն կամ ուսուցչի ուղղորդմամբ),
- ներկայացնի «Ես իմ անուշ Հայաստանի» բանաստեղծության բովանդակությունը արձակ շարադրանքով,
- ներկայացնի «Ես իմ անուշ Հայաստանի» բանաստեղծության կառուցվածքը,
- արտահայտի կարծիք կարգաճաճի վերաբերյալ,
- հարցեր առաջադրի ընկալման հեզոտման նպատակով,
- դուրս գրի բանաստեղծությունից դրական և բացասական իմաստ արտահայտող մակդիրները, գրավոր կամ բանավոր խոսք կազմի հեղինակային բառերով,
- թեմայի միջոցով մեկի ու զարգացնի սեփական արժեհամակարգը,
- գիտակցել իր ազգային պատկանելության, մայրենի լեզվի անհրաժեշտության և կարևորության մասին, արտահայտի իր դիրքորոշումը դրա վերաբերյալ:

ՈՒՍՈՒՄՆԱԿԱՆ ՄԵԹՈՂՆԵՐԸ: «Կարն գրույց», «Կարն դասախոսություն», «Խթանող հարցեր», «Զնագնդի», «5-րոպեանոց շարադրանք»:

ՈՒՍՈՒՄՆԱԿԱՆ ՆՅՈՒԹԵՐԸ՝ դասագիրք, ֆարտեր, գծապատկերներ, նշագրիչ, լրացուցիչ ուսումնական նյութեր, թուղթ:

ԴԱՍԻ ԿԱՌՈՒՑՎԱԾՔԸ: Գիտելիքների, կարողունակությունների և հմտությունների ամրապնդման և զարգացման դաս:

Գիտելիքների, կարողունակությունների և հմտությունների ամրապնդման և զարգացման դասի ժամանակ ուսուցիչը պետք է կարողանա բացահայտել նախատեսված աշխատանքի նպատակը, վերաբրտադրել առաջադրված խնդիրների կատարման համար անհրաժեշտ գիտելիքները, կարողությունները և հմտությունները, կատարել տարբեր վարժություններ և առաջադրանքներ, ստուգել կատարված աշխատանքները, քննարկել և ուղղել սխալները, անհրաժեշտության դեպքում հանձնարարել տնային առաջադրանք, ծանոթացնել նոր կարողությունների հետ, կատարել նոր կարողությունների ամրապնդմանը միտված վարժություններ, կատարել ստեղծարար բնույթի վարժանքներ, ամփոփել դասը, հանձնարարել տնային առաջադրանք:

ԴԱՍԻ ԸՆԹԱՑՔԸ

Ստուգում են տնային առաջադրանքները (երե հանձնարված է) և անցում կատարում նոր նյութի ուսուցմանը:

Այս փուլում ուսուցիչը «Կարն դասախոսության» միջոցով ներկայացնում է, որ Եղիշե Չարենցի «Տաղարան» շարքը, որը հեղինակն ավարտել է 1921 թվականին, դարձավ հեղինակի այդ շրջանի գեղարվեստական ինքնատիպ արտահայտություններից մեկը, տպագրվեց 1922 թվականին՝ տեղ գտնելով մոսկովյան հրատարակչության երկհատորյակի առաջին հատորում:

Ապա ավելացնում ենք, որ «Տաղարան» շարքը հեղինակը ձևել է իր սիրելի կնոջը՝ Արփեհիկին: Արփեհիկին Չարենցը սիրել է յուրահատուկ սիրով: Բնավորությամբ նա եղել է մեղմ ու սրտակից ընկեր, տխուր պահերին երգել է Չարենցի համար: Եվ, որ ամենակարևորն է, հասկացել բանաստեղծին, ներքև նրա մտլորությունները, սիրային պատմությունները, կենցաղային և գրական վեճերը: Արփիկը հոգեկան նեցուկ է եղել Չարենցին և սատար կանգնել նրան մշտապես: Արփիկի մահը Չարենցը շատ ծանր է տարել:

Այդ սերը հետագայում շատ է ներշնչել բանաստեղծին: «Էպիփական լուսաբացը»՝ «Նվիրում են գիրքս հիշատակին կնոջս, ընկերոջս, հերոսական բարեկամիս՝ Արփեհիկ Չարենցիին» ընծայագրով ձևել է նրան: Ապա հավելում ենք, որ գրքում Արփեհիկի հիշատակին նվիրված է նաև երկու սոնետ՝ «Իմ բարեկա՛մ, իմ սե՛ր, հերոսական ընկեր», «Մենք ապրեցինք քեզ հետ մի վիթխարի դարում»: Սրանից հետո ներկայացնում ենք, որ «Տաղարան» սկսվում է այսպես.

Արփիկին՝

Հիդըս խոսի՛, մի՛ կենա խըռովի պես,

Տալդա տըվիր, գեմիս տարար ծովի պես.

Կու մեռնիմ, — չիս տեսնի Սայաթ-Նովի պես...

(տալդա — ալիք, հորձանք, գեմի — նավակ):

Սայաթ-Նովա

Բառերի բացատրությունը տալուց հետո ավելացնում ենք, որ շարքի համար նախանուտք են հետևյալ երկու ֆունտոդերը.

Ինչքան որ հուր կա իմ սրտում — բոլորը ֆեզ.
Ինչքան որ կրակ ու վառ խնդում — բոլորը ֆեզ. —
Բոլորը տամ ու նվիրեմ, ինձ ո՛չ մի հուր թող չմնա՝
Դո՛ւ չմըսես ձմռան ցրտում. — բոլորը ֆեզ...

Ամռան անուշ, հուրհրատող տո՛թ ես, ջան, —
Նախշուն՝ նռան ու նարնջի հո՛տ ես, ջան,
Երբ խստադեմ ի՛նձ ես նայում դու հանկարծ —
Ասես սրտիս մահվան դաժան բո՛թ ես, ջան...

Ապա հարցեր ենք առաջադրում սովորողներին, ու նրանք էլ պատասխանում են՝

- Ո՞րն էր Չարենցի այս աշուղության, աշուղ դառնալու ներքին տրամաբանությունը:
- Ինչո՞ւ է Չարենցն իր «ապուլանյան ֆնարը» փոխարինում «աշուղի սագով»:
- Մի՞ թե նոր ռեավորմամբ էր տարվել կամ ստեղծագործական նմանագրության նորարարություն էր:

Անուշտ՝ ոչ:

Չարենցի ստեղծագործության այս նոր անակնկալը՝ «Տաղարանը», կյանքի ու աշխարհի նկատմամբ ժողովրդական հայացքի ամրապնդումն էր, որովհետև ժողովուրդն է, որ իր դարավոր փորձից էլնելով՝ հաստատում է հավիտենական արժեքները: Դառնալով տաղասաց-աշուղ՝ Չարենցն իրեն ստիպում է մտնել ժողովրդի բնական պարզության աշխարհը, այնտեղ որոնել կեցության պարզ հիմքերն ու աշխարհահիացման, մարդկային հարաբերությունների ու կյանքի մասին իմաստությունների ամբողջությունը:

Ապա տալիս ենք բացատրությունն այն հարցի, թե ինչո՞ւ է հեղինակը դիմել հենց Սայաթ-Նովային, այն Սայաթ-Նովային, ով Պարույր Սևակի բնորոշմամբ հայ գրականության «մեծ գանգատավորն էր ու բեզարածը: Այն Սայաթ-Նովան, ով հիանալով՝ բեզարեց և վերջիվերջո կանգնեց փակուղու առաջ և դատապարտվելով՝ հագավ կրոնավորի սֆերը:

Սրանք հարցեր են, ավելացնում ենք մենք, որոնց պատասխանը տալիս է «Տաղարանը»: Այստեղ Չարենցը ոչ թե նմանագրել է Սայաթ-Նովային, ոչ թե դիմել է գրչական ռեալության, այլ ընդհակառակը՝ «սայաթնույան երանգներով» շատ դեպքերում վիճում է միջնադարի երգչի հետ՝ նրա դառնությանը դեմ դնելով իր հոգու խենթ ազատությունն ու զվարթությունը, նրա բեզարածությանը դեմ է դնում վայելումի ֆաղցրությունը, իսկ հուսահատությանը՝ իր երբեք չմարող լավատեսությունը:

Քանի որ Չարենցը ոչ միայն ժամանակի մեծ բանաստեղծներից էր, այլ նաև գրականության զարգացման ընթացքին էր հետևում, հասկացավ, որ բարձրություն է պետք տիրող հզորամանր հայրասարելու համար, համեմատելիս Չարենցն այդպես էր կարծում: Սայաթ-Նովային դիմելն ուներ նաև մի այլ խորհուրդ՝ Սայաթ-Նովան հայ ժողովրդի հպարտությունն է, միջնադարյան պեղծիայի վերջին ձայնը, նոր պեղծիայի մեծ ու արժանի սկիզբը: Սայաթ-Նովան ու իր երգերը պարտավորեցրել են նրա հետնորդներին գետնին չքողնել հայկական բառը աչքի լույսի պես պահպանել հայկական խոսվածքը, կյանքում միշտ բարձր դասել բարին, գեղեցիկն ու ազնիվը, գնահատել սիրո և բարեկամության մեծ ուժը: Եվ ահա Չարենցն իր առաջ խնդիր է դնում՝ սիրել Սայաթ-Նովայի պես, ներել ու հաստատել, վիճել ու խոնարհվել, պաշտել ու փառաբանել նրա բառամթերքով: Սայաթ-Նովան ոչ թե նամանակվում, այլ վերամարմնավորվում է Չարենցի մոտ՝ մնալով Չարենցին հարազատ:

Ապա ամփոփելով մեր խոսքը՝ ասում ենք, որ «Տաղարանը» մի ամբողջական սյուժե է՝ սկզբով, ընթացքով, ավարտով, սյուժե, որտեղ գլխավոր հերոսը՝ Տաղասացը, պարզում է ընդհանրապես իր հարաբերություններն աշխարհի և այդ մեծության առանձին արժեքների հետ: Այն դառնում է մի համահավաք ամբողջություն, մի յուրահատուկ սիրավեպ աշխարհի հետ:

Սիրո, երգի, կարոտի, դառնության, գանգատի, բաժանման հակադիր զգացումներով սրբոված այս շարքն իսկական հարստություն է հայ գրականության համար, անկրկնելի ու յուրահատուկ մի կործան, Սայաթ-Նովայի խոսքով՝ Չարենցի ոգեղենությամբ ու հոգով նվիրված իր միակ ու անկրկնելի սիրուն՝ Արփենիկին:

Հարցերով ամրապնդում ենք և անցում կատարում դասի շարունակությանը: «Խթանող հարցեր» մեթոդի կիրառմամբ երկրորդ խթանումն ենք կատարում: Մեթոդի էությունն այն է, որ ուսուցիչը նախապես պատրաստում է դասի նյութի հետ անմիջականորեն առնչվող հարցեր, որոնց պատասխանները գետեղված են դասի տեքստի մեջ: Այս մեթոդը կարող է կիրառվել համարյա բոլոր թեմաների ուսուցման ընթացքում: Նման ձևով վեր ենք հանում սովորողների նախնական գիտելիքները ուսուցանվող թեմայից: Ավարտելուց հետո անցնում ենք թեմայի ուսուցմանը:

Մինչև բուն դասի ուսուցման անցնելը, հավելում ենք, որ «Տաղարանը» ներառում է բան բանաստեղծություն և ավարտվում է «Ես իմ անուշ Հայաստանի» բանաստեղծությամբ:

Ուսուցիչը պետք է հստակեցնի դասի բովանդակային նպատակները: Դասի ընթացքում ի՞նչ գիտելիքներ ենք ուզում հաղորդել սովորողներին: Անհրաժեշտ է իմանալ, որ բովանդակային նպատակը աշակերտների մոտ գիտելիքի ձեռքբերումն է, ակադեմիկական գիտելիքների հաղորդում (հանաչողական և զարգացնող), ուսուցման դաստիարակչական բնույթը:

Ակադեմիկական նպատակները կախված են առաջադրանքի կազմակերպման ձևից, թե որքանով է այն ենթադրում փոխօգնության, համագործակցության անհրաժեշտություն:

Սոցիալական հմտությունների ձևավորման, զարգացման նպատակը աշակերտների մոտ մյուսներին օգնելու և խմբի անդամներին խրախուսելու, արդյունավետ շփվելու, համագործակցելով՝ խնդիրներ լուծելու հմտությունների

ձեռքբերումն է: Ուսուցիչը մեկ դասի համար կարող է ընտրել մեկ կամ երկու հմտություն, որոնց ձևավորումը առավել հրատապ է համարում: Երբ արդեն հստակեցված են դասի ակադեմիական և սոցիալական նպատակները, անցում է կատարում նոր նյութի ուսուցմանը՝ աշակերտակենտրոն ուսուցում կազմակերպելով: Դասի այս փուլում կիրառում ենք «Ձևագրի» մեթոդը:

Մեթոդի կիրառման նպատակը միմյանց հետ շփվելը, կարծիքներ փոխանակելը, խմբովին ընտրություն կատարելը, տեղեկույթ հավաքելը և խմբի գաղափարները, կարծիքները միասին արտահայտելն է:

Ուսուցիչը դասարանը բաժանում է 4-հոգիանոց խմբերի: Այս կարգում է «Ես իմ անուշ Հայաստանի...» բանաստեղծությունը: Սկզբում հանձնարարում է անհատական աշխատանք. յուրաքանչյուրն ինքնուրույն կարդում է բանաստեղծությունը՝ պատասխանելով հետևյալ հարցերին.

- Ի՞նչ միտք է ծագեց ընթերցելիս:
- Գրե՛ք ձեր գաղափարների (կարծիքների) ցանկը այս պատմության վերաբերյալ» (4 րոպե):

Այնուհետև հանձնարարում ենք գույգեր կազմել և միմյանց ներկայացնել իրենց սելիական կարծիքները թեմայի վերաբերյալ: Այս գույգով միասին ձևակերպում են երկուսի համար ընդհանուր 3-5 կարծիք, որոնք վերցված են իրենց անհատական կարծիքների ցանկից: Պետք է դրանք գրել թղթին կամ թղթապաստառին (6 րոպե):

Երկուսական 2-հոգիանոց խմբերը միանում են և կազմում 4-հոգիանոց մեծ խմբեր: Խմբերը ներկայացնում են իրենց կարծիքները, պարզում նմանությունները և տարբերությունները (ընթացքում նրանք կարող են ավելացնել նաև նոր կարծիքներ): 4-հոգիանոց խմբերի ներսում գույգերով ներկայացնում են իրենց գրած կարծիքները և խմբավորելով՝ ներկայացնում են նոր ձևակերպած 4 ընդհանուր կարծիք ամբողջ խմբի համար: Խումբը գրում է դրանք առանձին թղթապաստառի վրա (8 րոպե):

Այստեղ շատ կարևոր է, թե արդյոք բոլորը մասնակցեցին ֆինալին՝ 4-հոգիանոց խմբով աշխատելիս:

Հնարը յուրաքանչյուր մասնակցին խմբում ներգրավելու միջոց է: Յուրաքանչյուր անհատ հաշվետու է՝ ստեղծելու, ձևավոխելու, համեմատելու, լսելու և ներկայացնելու համար: Միևնույն ժամանակ պետք է հետևենք խմբերի դեմ առ դեմ փոխադրեցությանը և անհրաժեշտության դեպքում մասնակիցների ուշադրությունը պետք է հրավիրել դրա վրա, հատկապես՝ 4-հոգիանոց խմբերում: Բոլորի համար ակնհայտ է դառնում, որ ամենադժվարը 8-հոգիանոց խմբով աշխատելն էր, ուստի, արդյունավետությունը հաշվի առնելով, պետք է աշխատել 4-հոգիանոց խմբերով: Հանձնարարում ենք թղթապաստառները փակցնել դասարանի տեսանելի պատին և յուրաքանչյուրը ներկայացնում է իր խմբի աշխատանքը:

Առաջին խումբը ներկայացնում է, որ բանաստեղծությունը նվիրված է Հայաստանին, հայ ժողովրդին, իր հայրենիքին, որտեղ երևում է Չարենցի հայրենասեր, ձգտող ու հպարտ ոգին: Եղիշե Չարենցը սիրում է մեր երկինքը մուգ, սիրում ու պաշտում է իր ողբանկազ լարը, նախրյան աղջիկների հեզանկուն պարը, բուխը, խրհիթները.... ամեն, ամեն ինչ:

Մյուս խումբը ներկայացնում է, որ իրենք սիրում են այս բանաստեղծությունը ոչ միայն գեղեցիկ բառերի ու արտահայտությունների համար, այլ սիրում են բանաստեղծությունը Չարենցի մտքի, այսֆան շատ սիրո, մարդկանց մեջ պայթելու ցանկություն ստեղծելու համար, մեր բնության գովերգության համար: «Ես իմ անուշ...» բանաստեղծության մեջ հայրենի բնության կողմին փառաբանված են նաև հայոց լեզուն, երաժշտությունը և գրականությունը՝ հանձնին Քուչակի և Նարեկացու:

Երրորդ խումբը, այնուամենայնիվ, «Ես իմ անուշ...»-ը ընկալել և մեկնաբանել է՝ որպես գովք Հայաստանի: Բանաստեղծության առաջին երեք տներում ծվացող դառնամուտ խոհերը, աստիճանական կուտակումով, վերջին տան մեջ փոխարկվում են ոգևորության հորձանքի, որն իր գագաթնակետին է հասնում վերջին տողում՝ Որպես անհաս փառքի համվա, ես իմ Մալիս սարն եմ սիրում: Ահա հենց այս ոգևորությունն է, որ տարածվում և իր տիրական շնչով վարակում է ամբողջ բանաստեղծությունը՝ վեհացնելով ու վսեմացնելով նախորդ տողերի և առանձին բառերի մեջ խտացված տառապանքն ու վիշտը:

Խմբերից մյուսն էլ ներկայացնում է, թե ինչ է ասել Վիլյամ Սարոյանն այս բանաստեղծության մասին. «Չարենցը, Չարենցը... «Ես իմ անուշ Հայաստանի արևահամ բառն եմ սիրում...»: Անոր չհանդիպած՝ գիտելի արդեն իր այս ֆերվածը: Սկսած էի արտասանել Ամերիկայի մեջ: Ամեն մեկ բառ բացատրել տված էի ու գրեթե գոց սարված: Չայն մինչև այսօր կնկատեմ մեր երկրին, մեր հողին, մեր պատմության նվիրված ամենեն գեղեցիկ երգը, գովաբանական աղոթքը: «Հայր մեր»-ին նմանվող աղոթք մը»:

Մյուս խումբն էլ եզրափակում է թեման՝ ասելով, որ ինչպես արդեն ասվել է, Չարենցի շարքը բաղկացած է 20 տաղից: Տաղը միջնադարյան բանաստեղծության ընդհանուր բնորոշումն է, որ այստեղ ստացել է Սայաթ-Նովային բնորոշ աշուղական ձև: Շարքի 1-18-րդ տաղերն ունեն սիրային բովանդակություն: Չարենցը երգում է գոգալի կերպարանքով հարություն առած իր բարձր սերը, որն այդպես էլ մնում է անհասանելի: Վերջին երկու տաղերն ունեն հայրենասիրական բովանդակություն: Կնոջ անմատչելի սիրուց նա հասնում է հայրենիքի անփոխարինելի ու բացառիկ սիրո գովերգությանը, որի ամփոփումն է դառնում «Ես իմ անուշ Հայաստանի» բանաստեղծությունը:

Բանաստեղծության բովանդակությունը ներկայացնելուց հետո հանձնարարում ենք բնագրից դուրս գրել դրական և բացասական իմաստ արտահայտող մակդիրները:

Հանձնարարվում է այս փուլի աշխատանքը:

• Ինչն^օվ է արտահայտվում բանաստեղծության գեղագիտական հաշակը:

Ներկայացնել դրական ու բացասական իմաստով գործածված մակդիրները:

Դասարանը բաժանվում է 2 մեծ խմբի, մեկ խմբին հանձնարարվում է բնագրից դուրս գրել բացասական իմաստ արտահայտող մակդիրները, մյուս խմբին՝ դրական:

Ժամանակը լրանալուց հետո խմբերը ներկայացնում են իրենց աշխատանքները:

Խմբերից մեկը ներկայացնում է իրենց առաջադրանքը: Որպես առաջին հարցի պատասխան՝ բավական է առանձնացնել բանաստեղծության մակդիրները, որոնք հիմնական դեր են կատարում ընդհանուր կառուցվածքի մեջ: Դրանք կարելի է բաժանել իմաստային երկու խմբի՝ դրական և բացասական լիցքերով հակադիր խմբերի:

Դրական իմաստ արտահայտող մակդիրներն են՝ արևահամ, վառման, հեզանկուն, մուգ, ջինջ, լուսե, վսեմ, հազարամյա, աղոթք դարձած, լուսապսակ, ներմակ, անհաս փառքի նամփա:

Ապա ավելացնում են, որ թվով 24 մակդիրներից 12-ը, ինչպես տեսնում ենք, կարելի է համարել դրական, իսկ 12-ը՝ բացասական:

Այսպիսով՝ զարմանալիորեն հավասարակշռությունը պահված է:

Մյուս խումբը ներկայացնում է, որ թվով 12 բացասական նշանակության մակդիրներն կան բնագրում: Դրանք են՝ ողբանվագ, լացակումած, արնանման, վիշապաձայն, մթուն կորած, անհյուրընկալ, սև, ողբաձայն, արյունափամ, որբ, արնավառ: Բայց հարկավոր է տեսնել և զգալ, որ այստեղ որոշիչը ոչ այնքան ֆունկցիոնալ հավասարությունն է, այլ օգտագործված մակդիրների լիցքային բեռնվածությունը, որը զգալիորեն ծանր է կշռում բացասական կողմի վրա:

Այստեղ միջամտում է ուսուցիչը՝ ասելով, որ հարկավոր է կատարել նաև մի երկրորդ բաժանում՝ ըստ բնութագրվող առարկաների: Այս առումով էլ այստեղ մակդիրները բաժանվում են երկու խմբի՝ բնության մակդիրներ և պատմամշակութային մակդիրներ:

Սովորողներն ուսուցչի օգնությամբ դասդասում են աղյուսակում՝

ա) Բնության մակդիրներ, թվով՝ 8 (6 դրական, 2 բացասական),

բ) Պատմամշակութային մակդիրներ, թվով՝ 16 (6 դրական, 10 բացասական):

Ապա ուսուցիչը պարզաբանում է, որ այս վերջին 10 ուժեղ մակդիրներն էլ ոչ միայն թույլ չեն տալիս «Ես իմ անուշ...»-ը Հայաստանի գովքը համարվի, այլև բանաստեղծությունը ավելի շուտ մոտեցնում են ողբերգի: Մթուն կորած խրհիթները, ողբաձայն երգերը և արյունափամ վերբերը կարելի է սիրել, բայց փառաբանել՝ ո՛չ: Ավելի ճիշտ, սա ազգի ողբերգական պատմությանն է ներկայացնում...

Ուսուցիչն իր ամփոփիչ խոսքում ներկայացնում է, որ «Տաղարան» շարքը յուրահատուկ տեղ է գրավում Չարենցի ստեղծագործության մեջ, քանի որ այստեղ նա կիրառել է գեղարվեստական մի այնպիսի հնարան, ինչպիսին սովորումն է (բացատրված է դասագրքում): Ոնավորման ակունքը Սայաթ-Նովայի խաղերն են: Չարենցը, նախ, կենդանացնում է Սայաթ-Նովայի կերպարը, որը հայտնվում է նրա երազում, ապա՝ գոգալի կերպարը: Միջնադարի մթնոլորտ ստեղծելու նպատակով ընտրում է Սայաթ-Նովայի խաղերին համապատասխան ձևը (մոխամազ, գագել), համապատասխան լեզու, համապատասխան միջավայր, որը Թիֆլիսն է, Հավլաբարի հայաբնակ թաղը:

Աշակերտը նաև պետք է հստակ իմանա, որ «Տաղարան» շարքն ունի որոշակի դիպաշար. սիրահարը պատրաստ է ամեն ինչի, միայն թե արժանանա գոգալի սիրուն, բայց՝ ապարդյուն: Ահա հոգեբանական զարգացման

այս գաղափարակետին ծնվում է «էլի գարուն կգա, կբացվի վարդը» տաղը, որ Չարենցի խոհն է կյանքի անցողիկության մասին: Այս տաղն, ինչպես հարկն է, իմաստավորելու և Սայաթ-Նովայի հետ առնչությունները ցույց տալու նպատակով ցանկալի է դասարանում կարդալ Սայաթ-Նովայի «Մե խոսք ունիմ իլքիմագով» խաղը և ցույց տալ պատկերային այն ընդհանրությունը, որ կա երկու գործերի միջև:

Աժխարհից նեղացած, գոգալի անտարբերությունից խռոված և շրջապատի կողմից չհասկացված ցաված հոգու երգն են ներկայացնում երկու հեղինակները:

Այստեղ ուսուցիչը պետք է առավել մեծ ուշադրություն դարձնի «Ես իմ անուշ Հայաստանի արևահամ բառն եմ սիրում» տաղի բացատրության վրա: Կարդալուց հետո ցանկալի է ներկայացնել կարծիքներ այդ տաղի մասին (Մ. Սարյան, Վ. Սարյան, Ա. Իսահակյան):

Անհրաժեշտ է, որպեսզի աշակերտը գիտակցի, որ գոգալի սիրո մերժումն ստանալուց հետո, ինչն անցավոր սեր է, Չարենցն անցնում է հայրենիքի անանց ու հավերժական սիրուն: Ահա դրանց արտահայտությունն են շարքի 19-րդ («Հայաստանին») և 20-րդ («Ես իմ անուշ Հայաստանի...») տաղերը: Այստեղ Չարենցը կենդանացնում է ամբողջ Հայոց աժխարհը՝ իր լեզվով, բնապատկերով, պատմությամբ ու Արարատի խորհրդանշանով:

Աշակերտը պետք է գիտակցի «արևահամ բառ»-ի իմաստը: Դրա համար նրան անհրաժեշտ է ներկայացնել Հովհաննեսի Ավետարանի առաջին տողերը. «Ի սկզբանե էր Բանն, և Բանն էր առ Աստված, և Աստված էր Բանն»: Նշանակում է՝ «Սկզբում խոսքն էր, և խոսքը Աստծունն էր, և Աստված խոսք էր»: Աստված խոսք էր: Ահա Չարենցն իր տաղն սկսում է, ինչպես Հովհաննես ավետարանիչը: Պետք է «բառ» լիներ, որպեսզի գեղարվեստական պատկերը ներբուստ գարգանալով հասներ ողբածայն երգի, երկաթագիր գրքի, Նարեկացու ու Քուչակի:

Չարենցի «արևահամ բառ» երբեմն տպագրվում է «բար» ձևով:

Այս կապակցությամբ պետք է իմանալ հետևյալը:

Չարենցի այս տաղը 1922-ին տպագրվել է նրա մոսկովյան երկհատորյակի մեջ «արևահամ բառ» ձևով: Նույն թվականին տեղ է գտել Հարություն Սուրիսթյանի կազմած «Գրական գոհարներ»-ի մեջ: 1927 թ. գրականագետ Սիմոն Հակոբյանն այն գետեղել է իր կազմած «Կարմիր արև» դասագրքում, որտեղ տպագրվել է «բար» ձևով: Սա կամ ակնհայտ վրիպակ է, կամ դասագիրք կազմողը ցանկացել է գիտակցված ձևով Չարենցին փրկել նրան հասցեագրվող ազգայնամուլի պիտակից:

Համոզվելու համար, որ «բար» ձևը սխալ է, պետք է նշել, որ 1928 թ. այդ տաղը թարգմանաբար տպագրվել է ուսու բնագրատ Վ. Սուտիրիևի «Անդրկովկասի գրականության ակնարկներ» գրքում «արևահամ բառ» ձևով: «Արևահամ բառ»-ն առկա է նաև 1936 թ. գերմաներեն թարգմանության մեջ (թարգմանիչ՝ Վաչե Աբեղյան): Անտեղի չէ նշել նաև այն վաստը, որ 1942 թ. Հակոբ Օճականը «բառ» ձևով այդ բանաստեղծությունը ներգրավել է իր կազմած «Հայ գրականություն» դասագրքի մեջ:

Չարենցի այս տաղը կարելի է գուցադրել Վահան Թեֆեյանի «Տաղ հայերեն լեզուին» (1913) բանաստեղծության հետ և կատարել բառապատկերային, կառուցվածքային վերլուծություն՝ ցույց տալու, որ Թեֆեյանն առում էր. «Մրգաստանի մը նման կը սիրեն քեզ, Հայ լեզու», իսկ Չարենցը՝ «Ես իմ անուշ Հայաստանի արևահամ բառն եմ սիրում»:

Համեմատության համար պետք է ներկայացնել Վահան Թեֆեյանի «Տաղ հայերեն լեզուին» գործը՝ նմանությունները գտնելու համար:

Վերստին պետք է ասել ու ամրապնդել ասածը՝ Չարենցը գրում է «արևահամ բառ»՝ դրանով ակնարկելով Հովհաննեսի Ավետարանը, որը բացվում է այդ տողերով: Այսինքն՝ ամեն ինչի սկիզբը բառն է, խոսքն է, որ իր մեջ հոգի է կրում:

Պիտի բառ լիներ, որ Չարենցը հասներ ողբածայն երգերի, երկաթագիր գրքերի, Նարեկացու ու Քուչակի նման լուսավոր անունների, հակառակ դեպքում Նարեկացուն ու Քուչակին կփոխարինեին մրգի՝ բարի (պտուղի) տեսակները՝ դեղձ, խաղող, սալոր, տանձ ու խնձոր:

Բանաստեղծությունն անհրաժեշտ է ենթարկել նաև տաղաչափական ու պատկերային վերլուծությունների:

Պետք է բացատրել, որ այն գրված է արաբական միջնադարյան պոեզիային բնորոշ մուխամազի ձևով: Մուխամազ եզրույթը արաբերենից թարգմանաբար նշանակում է հնգապատկված: Սայաթ-Նովայի կիրառած հիմնական ձևն է, աչքի է ընկնում սների հանգավորման, կիսատողերի կամ բառերի կրկնությունների, ներքին հանգի առկայության յուրահատկություններով՝ լեզվական հոյտությամբ:

Ուսուցիչը պետք է բացատրի, որ Չարենցի տաղն ունի «եմ սիրում» տողավերջյան կրկնությունը, ինչը հանդիպում է առաջին տան 1-ին, 2-րդ, 4-րդ և մնացած սների 4-րդ տողերում:

Դրան նախորդում են հարուստ հնչեղություն ունեցող հանգեր:

Հնչեղ հանգերով կրկնվող բառեր կան նաև այլ տներում. «երգերը մեր», «գրքերը մեր», «վերքերը մեր» և «հեֆիաթ չկա», «հակատ չկա», «գագաթ չկա»:

Անհրաժեշտ է առանձնացնել մակդիրները, համեմատությունները, որոնք լեզվական հոյտություն են հաղորդում տաղին՝ «արևահամ բառ» և այլն :

Չարենցի «Ես իմ անուշ Հայաստանի արևահամ բառն եմ սիրում» տաղը գեղարվեստական մտածողության թե՛ ամբողջական համակարգով, թե՛ առանձին մանրամասներով մխրված է հայ ժողովրդի պատմամշակութային գոյաբանության մեջ: Այն համապարփակ ու ընդգրկուն էրկ է, որ ի մի է բերում հայ ժողովրդի ծագումնաբանական-ժառանգորդական տոհմիկ հատկանիշերը և ստեղծում ազգային տեսակի միասնական անաղարտ պատկերը: Դա և՛ ազգային հոգեբանություն է, և՛ ազգային նկարագիր, և՛ ազգային ողբերգություն, և՛ հայրենի բնաշխարհ, որոնք գեղարվեստական խոսքի մեջ օղակում են առասպելաբանությունն ու պարզ իրատեսությունը:

Չարենցի տաղի բառապատկերային աստղծն ունի և՛ հնագույն վիպական դյուցազներգական շերտեր, և՛ նորագույն: Հնագույնը տանում է դեպի դարերի խորքը՝ հայոց մատենագրություն, հայոց բնաշխարհին համապատասխանող հայոց բառարվեստ, պատմականորեն ձևավորված ազգային հոգեբանություն: Նորագույնն առնչվում է Չարենցի ժամանակակից հայ պոեզիայի երկու Վահաններին՝ Տերյանին ու Թեֆեյանին:

Չարենցը թեև 24 տարեկան էր, բայց արդեն ժամանակի պոեզիայի գլխավոր դեմքն էր, այս գլուխգործոցի հեղինակը, ինչը հետագայում Վիլյամ Սարյանը պիտի բնորոշեր որպես մեր ազգային տերունական աղոթքը՝ «Հայ մեր»-ը, իսկ Մարտիրոս Սարյանը համարեր «բոլոր մաստաբներից դուրս պաննո՝ հասցված ժողովրդական էպոսի աստիճանի»:

Ամփոփելով՝ պետք է ասել, որ «Տաղարան» շարքի նախորդ գործերում մերժվելով գոգալի սիրուց՝ Չարենցը հասնում է հայրենիքի սիրուն: Դա բարձրագույն ու անանց, անդավաճան ու միակ սերն է և, ինչպես ամեն մի սեր, պահանջում է գոհողություն, հարկ եղած դեպքում՝ անձնագոհություն, որին Չարենցը մշտապես պատրաստ է եղել:

«Ես իմ անուշ Հայաստանի...»-ն աշխարհն ի մի բերող ուժն է, ամեն ինչից անսահման վեր միակ պատգամը, որ ժողովրդի պատմության արեալույսից, սերունդների մաքառումների ու արյան գնով շնորհված է մարդուն: Բանաստեղծի սիրո խոստովանությունը վերածվում է հայրենիքի փառաբանության: Ամբողջ տաղը Հայաստանի ոգեղեն պատմության գեղարվեստական խտացումն է, որ, սկսվելով «արևահամ բառից», հասնում է մինչև «երկաթագիր գրեքը» և այդ բառի ու գրքի բարձրագույն աստիճանը՝ Նարեկացի ու Քուչակ: Դրան հաջորդում է Արարատը՝ որպես ազգային բացարձակ արժեք, որ վաղուց վերածվել է Հայաստանի խորհրդանշանի. «Աշխարհ անցի՛ր, Արարատի նման ներմակ գագաթ չկա, // Ինչպես անհաս փառքի համփա՝ ես իմ Մասիս սարն եմ սիրում»:

Սրբազան լեռը Չարենցը հիշում է կրկնակի անուններով՝ Արարատ և Մասիս, փառաբանում նրա գագաթի ներմակությունը, որ նշանակում է թե՛ բարձրություն, թե՛ անարատ մաքրություն: Այդ հատկանիշերն ազգային ոգու խտացվածք լինելու հետ մեկտեղ այն դարձնում են անհասանելի: Իսկ քանի որ բանաստեղծի համար անհասանելիության չափանիշը գրական մնայուն փառքն է, ուստի այստեղ Արարատը դառնում է անհաս փառքի համփա:

«Անհաս» մակդիրը կարող է իմաստավորվել նաև կրկնակի բովանդակությամբ: «Անհաս» նաև այն պատճառաբանությամբ, ըստ որի՝ Արարատը, թանկ ու բաղձալի լինելով հանդերձ, գերված է, ինչպես ինքը կասեր, «դարավոր ոսոխի կողմից»: Եվ ինչքան էլ ցանկանաս հասնել նրան, իրականում չես կարող: Կարող ես միայն մտովի:

Աշակերտին պետք է բացահայտել Արարատի խորհուրդը, որով ավարտվում է բանաստեղծությունը:

ԴԱՍ 5

ԹԵՄԱՆ՝ «Տաղ անձնական» բանաստեղծությունը:

ՏԵՎՈՂՈՒԹՅՈՒՆԸ՝ 45 րոպե

ԴԱՍԻ ՆՊԱՏԱԿՆԵՐԸ՝

Խմանա՝

- Չարեկց-բանաստեղծի կերպարը ժամանակի մեջ,
- ո՞րն է բանաստեղծության ասելիքը,
- ընթացի Չարեկցի համար անվտխարիներևի և բարձրագույն սիրո՝ հայրենի ծննդավայրի

անմատանակության գաղափարը:

- Չարեկցի ցավը Հայոց ցեղասպանությունից հետո:

կարողանա՝

- ընկալի բանաստեղծի սրտի ցավը և մխիթարանքը՝ Կարինե Քոթանջյանին,
- ընկալի ստեղծագործության դաստիարակչության նշանակությունը,
- արտահայտի կարծիք կարգացածի վերաբերյալ,
- հարցեր առաջադրի ընկալման հեզրտման նպատակով,
- դուրս գրի բանաստեղծությունից բարդ և աժանցավոր բառերը,
- կազմի նոր սովորած բառերով նախադասություններ:

ՈւՍՈՒՄՆԱԿԱՆ ՄԵԹՈՂԻՆԵՐԸ: «Կանխագուշակումներ՝ հենակետային բառերով ու արտահայտություններով», «Բացատրական ընթերցանություն», «Կրկնակի գրառումներով օրագիր», «5-րոպեանոց շարադրանք»:

ՈւՍՈՒՄՆԱԿԱՆ ՆՅՈՒԹԵՐԸ: դասագիրք, բարտեր, գծապատկերներ, նշագրիչներ, թուղթ:

ԴԱՍԻ ԿԱՌՈՒՑՎԱԾՔԸ: Համակցված դաս:

Համակցված դասի ժամանակ ուսուցիչը պետք է իրականացնի հետևյալ ֆայլերը՝ (այս դասը ունենում է մեկ կամ մի քանի դիպակտիկ նպատակներ): Ուսուցիչը ստուգում է տնային առաջադրանքը, առաջադրում է դասի նպատակը, նախապատրաստում է առաջադրանքներին նոր նյութի ընկալմանը, այսինքն՝ դասի ընթացքում զարգացնում է սովորողների գիտելիքներն ու գործնական և մտավոր կարողությունները, առաջադրանքներին հանձնարարում է ուսումնասիրել նոր նյութը, անհրաժեշտության դեպքում սալիս է համապատասխան բացատրություններ, ապա ամրապնդում է սվյալ դասի ընթացքում ուսումնասիրած և

նորի հետ փոխկապակցված նախորդ նյութերը, ընդհանրացնում և համակարգում է գիտելիքները և կարողությունները, փոխկապակցում է նոր և նախկինում ստացված ու ձևավորված գիտելիքները, ամփոփել դասի արդյունքները, հանձնարարել տնային առաջադրանք, նախապատրաստում է (ոչ միտ) նոր նյութի ուսումնասիրմանը (նախնական աշխատանք):

ԴԱՍԻ ԸՆԹԱՑՔԸ

Ստուգում ենք տնային առաջադրանքները, ամփոփում ենք դասը, գնահատում և անցում կատարում նոր նյութի ուսուցմանը:

Դասի այս փուլում օգտագործում ենք «Կանխագուշակումներ՝ հենակետային բառերով ու արտահայտություններով» մեթոդը: Գրատախտակին նախօրոք գրում ենք դասի վերնագիրը և Կարսը, այգին, հայրենի մով երկինքը, տապարով շինված բուրդ հեմֆեր, դեպի երկինք գնալ, աստղային երազների հանապարհ, անդարձ հեռանալ, օտար փողոցների հանապարհով, ադմկոտ աշխարհ, անհավասար մարդկային կյանք, սրտում բացված վերք, Կարսի փողոցներ, Չարենց, մնաս բարով չասած, Կարինե Քոթանճյան բառերն ու արտահայտությունները:

Աշակերտներին առաջարկում ենք կանխագուշակումներ անել բանաստեղծության բովանդակության վերաբերյալ, փոփրիկ պատմություն հորինել և գուշակել, թե ինչ կապ կարող է ունենալ Չարենցը Կարինե Քոթանճյանի հետ: Կարող են աշխատել գույգերով կամ համագործակցային փոփր խմբերով:

Աշակերտների գուշակությունները և փոփրիկ պատմությունները լսելուց հետո առաջադրում ենք կարդալ հղումը:

Բացատրությունը տալիս ենք բնագիրը կարդալուց հետո, երբ աշակերտներին ծանոթ կլինի այն:

Այս փուլում ընտրում ենք «Բացատրական ընթերցանություն» և «Կրկնակի գրառումներով օրագիր» մեթոդները:

Աշակերտներն ընթերցում են դասանյութը՝ գուգահեռ բացատրելով նորածանոթ բառերը, արտահայտությունները և կետադրությունը: Դժվարության դեպքում օգնում է ուսուցիչը:

Մով – մավի, կապույտ

Տապար – կացին, կացնի ձև ունեցող սառը գեղձի տեսակ

Կարոտակեզ՝ կարտոից կիզվող՝ տոչարվող, կարոտավառ

Վտարանդի՝ տարագիր, պանդուխտ, հայրենիքից հեռացած և օտարության մեջ ապրող մարդ

Ամենտի եզերք՝ այլաժխարհային եզերք, իրականությունից դուրս այդպիսի երևակայական այլ աշխարհներ սիրում էին ստեղծել խորհրդապաշտական ուղղության գրողները:

Երկրորդ անգամ ընթերցելուց հետո ստեղծում ենք նշված օրագիրը, որի համար աշակերտները թուղթն ուղղահայաց գծով բաժանում են երկու մասի: Չափ կողմում գրում են բնագրի տպավորիչ հատվածները, իսկ աջ կողմում՝ նշված յուրաքանչյուր հատվածի վերաբերյալ մեկնաբանություններ և բացատրում (Ինչի՞ մասին է այդ հատվածը: Ի՞նչ է հիշեցնում այն: Ինչն է այդ հատվածը կարևորում): Օրինակ՝

Կրկնակի գրառումներով օրագիր

Բնագրի տպավորիչ հատվածները	Հատվածի վերաբերյալ մեկնաբանությունները և բացատրությունը
Եվ Կարինե Քոթանեյանին անգամ չասած մնաս բարով Ա՛նց են կենում հիմա օտար ֆաղաֆների հանապարհով:	Գրվել է 1917 թ.՝ Մոսկվայում: Նվիրել է իր մտերմուհի Կարինե Քոթանեյանին: Պատերազմի սարսափների միջով անցած բանաստեղծը վերադարձել է Կարս, սակայն շուտով պիտի հեռանար հայրենի ֆաղաֆից և հրաժեշտ տար իր համար այնքան թանկ ու հարազատ վայրերին ու մարդկանց, սիրած աղջկան: Չարենցին հուզում էր հայրենիքի բախտը, իր ցավը Հայոց Ցեղասպանությունից հետո, որը առնչվում էր իր կենսավորձի և կյանքի հետ: Չարենցը հեռանում է Կարսից՝ չուզե՛նալով: Նրան օտար էր ֆաղաֆը, շուրջը բոլորը ազմկում էին, իսկ նա ֆայլում էր և չէր արժանանում փոքրիկ ուշադրության անգամ:

<p>Դեմքերը, ա՛խ, բուք են այնպես՝ կարծես շինված են տապարով:</p>	<p>Եղի՛ւ՛ե Չարենցը տեսավ մարդկանց բուք և անհարոր դեմքերը և նրա համար շատ դժվար էր շարունակել ապրելը իր ծննդավայրում: Այդ պատճառով նա թողեց իր ծննդավայրը և իր սիրած էակին, որին նույնիսկ «մնաս բարով» չասաց: Նա պիտի լիքի իր ծննդավայրն ու օտար համփաներով պիտի գնա դեպի իր երազները, երազանքները: Ինձ թվում է, որ այդ ժամանակ Չարենցի կողքին ոչ ոք չի եղել, ոչ ոք չի հասկացել էլ նրա մտածումները: Այդ պատճառով նա ուզում է գնալ իր երազանքների հետևից, իր աստղային երազների հանապարհով և այլն:</p>
--	---

Այս աշխատանքն ավարտելուց հետո խմբերը ներկայացնում են իրեն մեկնաբանությունները, ապա կատարվում է քննարկում ու մտքերի փոխանակում:

Մեկ անգամ ևս աշակերտները կարդում են բանաստեղծությունը և դուրս են գրում բառակազմական նշանակության բառերը: Բառային աշխատանքի ժամանակ առաջադրում ենք բացատրել հայրենի, հագա՛ր-հագա՛ր, մարդկային, անհավասար, անտառ, վերք, կյանք, կարոտակեզ, հաճմանգամ խելագար, հավիտյան, վտարանդի, դեպի, եզերք, աստղային, մեղքի, անդարձ բառերի կազմությունը և ուղղագրությունը: Մեկ անգամ ևս հիշում են, որ ըստ կազմության բառերը լինում են պարզ (արմատական), բարդ և ածանցավոր:

Ապա առաջարկում ենք «5-րդ աստիճանի շարադրանքի» մեթոդով ձևակերպել «Տաղ անձնականի» բովանդակությունը արձակ: Մոտավորապես կարելի է սպասել այսպիսի շարադրանքի. «Բանաստեղծության մեջ Չարենցը ասում է, որ լիում է իր ծննդավայրը, այգին ու տունը: Չարենցը, գրում է այն մասին, թե ինչպես է անցնում օտար քաղաքների հանապարհներով, թե ինչ նոր իրավիճակների է հանդիպում, նոր մարդկություն հարաբերություններ տեսնում: Բանաստեղծության առաջին մասում Չարենցը նկարագրում է իր շրջապատը, իր հանապարհը, իսկ երկրորդ մասում արդեն իր կարծիքն է արտահայտում այդ ամենի մասին: Չարենցը խոսում է իր հույզերի մասին, ասում է, որ ինչքան էլ աշխարհը ուրախ լինի, ինքը չի կարող ուրախանալ նրանց հետ, նա պիտի անցնի ու գնա իր երազանքների հետևից»:

Չարենցը բանաստեղծության մեջ նշում է նաև Կարինե Քոթաննյանի անունը՝ ում նվիրել էր այս բանաստեղծությունը, ում նա այդպես էլ չէր հասցրել հրաժեշտ տալ: Այդա ուսուցիչը կատարում է թեմայի ամփոփում՝ ասելով, որ Չարենցն այս բանաստեղծությունը վերնագրել է «Տաղ անձնական», «անձնական», որովհետև իր մասին է, «տաղ», որովհետև գրված է աշուղական տաղի ձևով, որը կոչվում է մուխամազ:

Այս տաղի մեջ Չարենցը ներկայացնում է բանաստեղծի իր կերպարը ժամանակի մեջ:

Կարսն իր հայրենի ֆաղաֆն էր, Կարինե Քոթաննյանն իր սիրած աղջիկն էր, որին ձոնել է «Միածան» (1917) ժողովածուն՝ հեռույալ ուղերձով. «Դու իմ վերջի՛ն, իրիկնայի՛ն, աստղայի՛ն փոյր...»: Կարինե Քոթաննյանը հետագայում հետաքրքրական հուշեր է գրել Չարենցի մասին:

Այս ձևը մեկ տարի անց նա կիրառում է «Տաղարան» շարքում:

Տաղի մեջ յուրահատուկ է տների հանգավորումը. առաջին տունը՝ աստա, հաջորդ տները՝ բբբա, գգգա, դդդա: Այսինքն՝ առաջին տունը նույնահանգ է, հաջորդ տների առաջին երեք տողերն ունեն իրենց ինքնուրույն հանգային հնչեղությունը, իսկ չորրորդ տողերում կրկնվում է առաջին տողերի հանգը: Օրինակ՝ բանաստեղծությունը տալիս է խմբերին, որ գտնեն ու ընդգծեն տողերի հանգերը՝ էլնելով վերը ասվածից:

Տաղ անձնական

Թողած Կարսում, գետի ափին, տունս՝ շինված անտառ ֆարով,

Կարսը թողած, Կարսի այգին ու հայրենի երկինքը մով

Եվ Կարինե Քոթաննյանին անգամ չասած մնաս բարով—

Ա՛նց եմ կենում հիմա օտար ֆաղաֆների ֆանապարհով:

Անց եմ կենում, շուրջս—մարդիկ, շուրջս դեմքեր հազա՛ր—հազա՛ր.

Շուրջս աշխարհն է ադմկում, մարդկային կյանքն անհավասար.

Եվ ո՞վ կասի՝ ինչն՞ է ես դու, և ով կասի, թե ո՞ւր հասար,—

Դեմքերը, ախ, բուր եմ այնպես՝ կարծես շինված են տապարով:

Գործ, առողկալի ու խելագար երգ է կարծես այս կյանքը մի.

Ինչ-որ մեկի սրտում բացված- վերք է կարծես այս կյանքը մի.

Եվ ո՞ւմ համար- էլ ո՞ւմ համար կարոտակեզ երգե հիմի

Սիրտս՝ լցված տարիների սեղմ արճիճով ու կապարով:

Բայց շուրջս թող որքան կուզե աշխարհը այս խնդա, ցնդի-

Ես- հաճմանդում ու խելագար ու հավիտյան վտարանդի՛

Դեպի երկինք պիտի գնամ, դեպի եզերքը Ամենտի-

Իմ բարձր, հին ու աստղային երազների ճանապարհով...

Ու էլ ամե՛ն մեղքի համար սիրտս հիմա ունի ներում.

Պիտի անդարձ ես հեռանամ, պիտի գնամ՝ ա՛յն հեռուն.

Թե Կարինե Քոթանճյանին տեսնեմ Կարսի փողոցներում-

Ասե՛ք նրան՝ Չարենցն ասավ- մնա բարո՛ւյ, մնա բարո՛ւյ...

Որից հետո տալիս ենք Կարս քաղաքի համայնապատկերը ներկայացնող նկարը:

Նկարում պատկերված է Սուրբ Առաքելոց եկեղեցին, Կարսի բերդն ու Կարս գետը, տունը՝ շինված անտառ քարով, Կարսի այգին ու հայրենի երկինքը մով... և հանձնարարում ենք գրել 5-րդ պատկերը շարադրանք (նկարագրական):



Եվ հանձնարարում ենք սնային աշխատանք. տանը կատարել հետևյալ հանձնարարությունը. Հավաքել տեղեկություններ Եղիսե Զարենցի ծննդավայրի, Կարսի Սուրբ Առաքելոց եկեղեցու, Վարդանի կամուրջի, Կարինե Քոթանեյանի մասին և բանավոր ներկայացնել դասարանում:

Ուսուցիչը սնային աշխատանք հանձնարարելիս պետք է սովորողներին ներկայացնի սնային առաջադրանքը, բացատրի կատարման մեթոդները, տեղեկատվություն տա սնային առաջադրանքի կատարման ընթացքի վերաբերյալ:

Առաջադրանքները վերլուծում են և գնահատում սեփական աշխատանքը (ինքնագնահատում), կռահում են, թե ինչն են լավ արել և ինչի բարելավման կարիք ունեն՝ սվյալ դասի ընթացքում ձեռքբերումները մատնանշելու և բացթողումները հաջորդ դասին շտկելու նպատակով (3 րոպե):

Գրականություն

1. Սուրեն Աղբալյան, Եղիսե Զարենց, գիրք 1, Երևան, ՀՍՍՀ ԳԱ, 1973:
2. Հարություն Սուրիսարյան, Գրականության հարցեր, Երևանի պետական համալսարանի հրատարակչություն, 1970:
3. Հարություն Սուրիսարյանի, «Գրական գոհարներ» բրեստումատիա, Երևան, 1922:
4. «Ով ով է: Հայեր» հանրագիտարան, հատոր երկրորդ, գլխ. խմբ. Հովհանես Այվազյան, Հայկական հանրագիտարանի հրատարակչություն, Երևան, 2007:
5. Ջրբաշյան Էդուարդ., Ե. Զարենցի «Ես իմ անուշ Հայաստանի արևահամ բառն եմ սիրում» բանաստեղծությունը, Ե., 2003:

6. Դավիթ Գասպարյան, Ուբերգական Չարենցը, Ե., 1990: